

增一阿含

經

卷十三

二百六十九
斯三

49424



佛日增輝

山西州天安寺法金剛院置

藏卷常轉

帝藏經

卷之五十一



增壹阿含經卷第十三

斯

符秦建元年三歲曇摩難提譯

地主品第二十三

聞如是一時佛在舍衛國祇樹給孤獨園。今時王波斯匿告諸群臣曰：汝等催嚴羽寶之車。吾欲往詣世尊所禮拜問訊。是時左右受王教令，尋嚴駕羽寶之車。即白玉曰：嚴駕已辦。今正是時。今時王波斯匿即乘羽寶之車，步騎數千前後圍遶出舍衛國，至祇洹精舍。往詣世尊所，如諸王法，除去五飾，所謂蓋、天冠、劔履、屣及金拂，捨著一面，至世尊所，頭面禮足。在一面坐。今時世尊與說深法，勸樂令喜。

是時王波斯匿聞說法已白世尊曰唯願世
尊受我三月請及比丘僧莫在餘處是時世
尊默然受波斯匿請時王波斯匿見世尊默
然受請即從座起頭面礼足便退而去還至
舍衛城勅諸群臣曰吾欲飯佛及比丘僧三
月供養給所須物衣被飲食牀卧具病瘦醫藥
汝等亦當發歡喜心諸臣對曰如是時王波
斯匿即於宮門外作大講堂極為殊妙懸繒
幡蓋作倡妓樂不可稱計施諸浴池辦諸油
燈辦種種飯食味有百種是時王波斯匿即
白時到唯願世尊臨願此處尔時世尊以見
時到著衣持鉢將諸比丘僧前後圍遶入舍

衛城至彼講堂所到已就座而坐及比丘僧
各隨次而坐是時王波斯匿將諸宮人手自
行食供給所須乃至三月無所乏短給與衣
被飯食牀卧具病瘦醫藥見世尊食訖持種
種華散世尊及比丘僧上更取小牀於如來
前坐白世尊曰我曾從佛聞以因緣奉施畜
生食者獲福百倍與犯戒人食者獲福千倍
施持戒人食者獲福万倍施斷欲仙人食者
獲福億倍與向須陁洹食者獲福不可計況復
成須陁洹乎況向斯陁含得斯陁含道況向
阿那含得阿那含道況向阿羅漢得阿羅漢
道況向辟支佛得辟支佛況向如來至真淨

正覺況成佛及比丘僧其福功德不可稱計
我今所作功德今日已辦世尊告曰大主勿
作是語作福無厭今日何故說所作已辦所
以然者生死長遠不可稱記過去久遠有王
名曰地種統領此閻浮里地彼王有臣名曰
善明少小與王周旋無所畏難是時彼王分
閻浮地半與彼臣使治是時善明小王自造
城郭東西十二由旬廣七由旬土地豐熟人
民衆多介時彼城名曰遠照善明王王第一
夫人名曰月光不長不短不肥不瘦不白不
黑顏貌端正世之希有口優鉢華香身體作
栴檀香未經幾日身便懷妊彼夫人即往白

王我今有身王聞此語歡喜踴躍不能自
便勅左右更施設坐具快樂無比夫人懷妊
日數已滿生一男兒當生之時閻浮地里內
晃然金色顏貌端正三十二相身體金色善
明大王見此太子歡喜踊躍慶賀無量便召
諸師婆羅門道士躬抱太子使彼瞻相我今
已生此子卿等與吾瞻相便立名字時諸相師
受王教令各共抱瞻觀察形貌咸共白王聖
王太子端正無雙諸根不缺有三十二相今
此王子當有兩趣若當在家者便為轉輪聖
王七寶具足所謂七寶者輪寶烏寶馬寶珠
寶玉女寶居士寶典兵寶是為七當有千子

勇悍剛健能却衆敵於此四正之內不加力之
杖自然靡伏若此王子出家學道者成無上
道等正覺名德遠布彌滿世界生此王子當
此之日光明遠照今字王子名曰燈光時諸
相師已立名字各退坐而去時王竟日抱此
太子未嘗離目時王爲此王子立三講堂秋
冬夏節隨適所宜宮人嫫女充滿宮裏使吾
太子於此遊戲時王太子於此遊戲時王太
子年二十九以信堅固出家學道即日出家
即夜成佛卽時閻浮里地悉共聞知彼王太
子出家學道卽日成佛父王清旦聞王太子
出家學道卽夜成佛時父王便作是念昨

夜吾聞諸天在空皆共稱善此必善應非有
惡響我今可往而共相見時王將四十億衆
男女圍遶便詣燈光如來所到已頭面礼足
在一面坐及四十億衆各共礼足在一面坐
是時如來與父王及四十億衆漸說妙論所
謂論者施論戒論生天之論欲爲穢汗漏不
淨行出家爲要獲清淨報尔時如來觀衆生
意心性柔和諸佛如來常所說法苦習盡道
盡與彼四十億衆廣說其義即於座上諸塵
垢盡得法眼淨時四十億衆白燈光如來曰
我等意願剃除鬚髮出家學道大王當知尔
時四十億衆盡得出家學道即以其日成阿

羅漢介時燈光如來將四十億衆皆是無著
遊彼國界國土人民四事供養衣被飲食牀
卧具病瘦醫藥無所渴乏是時地主大王聞
子燈光成無上正真等正覺將四十億衆皆
是無著遊彼國界我今當遣信往請如來在此
遊化若使來者充我本願若不來者我躬自
當往拜跪問訊即勅一臣汝往至彼問訊如
來持我名字頭面礼足興居輕利遊步康強
云王地主問訊如來興居輕利遊步康強唯
願世尊臨願此土介時彼人受王教勅便往
至彼國界到已頭面礼足在一面立便作是
說大王地主礼如來足問訊礼竟興居輕利

遊步康強唯願世尊臨願彼國。爾時世尊默然受請。時燈光如來將諸大眾以漸人間遊行。與大比丘四十億衆俱在在處處靡不恭敬者。衣被飲食牀卧具病瘦醫藥皆悉貢獻。漸至地主國界時。地主大王聞燈光如來至此。國界在北婆羅園中。將大比丘衆四十億人。我今可躬自往迎。時地主大王復將四十億衆往詣燈光如來所到。已頭面禮足。在一面坐。及四十億衆禮足。在一面坐。爾時燈光如來漸與彼王及四十億衆而說妙論。所謂論者。施論戒論。生天之論。欲爲穢汙漏不淨行出家。爲要獲清淨報。爾時如來觀衆生意心性。

柔和諸佛如來常所說法苦習盡道盡與彼
四十億衆廣說其義即於座上諸塵垢盡得
法眼淨時四十億衆白燈光如來曰我等意
願剃除鬚髮出家學道大王當知尔時四十
億衆盡得出家學道即以其日成阿羅漢道
時地主國王即從座起頭面禮足便退而去
時登光如來將八十億衆皆是阿羅漢遊彼國
界國土人民四事供養衣被飲食牀卧具病
瘦醫藥事事供給無所乏短是時地主國王
復於餘時將諸群臣至彼如來所頭面禮足
在一面坐是時燈光如來與彼國王說微妙
法地主大王白如來曰唯願世尊盡我形壽

受我供養及比丘僧當供給衣被飲食牀
具病瘦醫藥悉當供給爾時燈光如來默然
受彼王請時王見佛默然受請重白世尊我
今從世尊求願唯見聽許世尊告曰如來法
者以過此願王白世尊我今求願者極爲淨
妙世尊告曰所求之願云何淨妙王白世尊
如我意中今日衆僧在一器食明日復用餘
器食今日衆僧著一種服明日復更易服今
日衆僧坐一種座明日復更坐餘座今日使
人與衆僧使明日復更易使人我所求願者
正謂此耳燈光如來告曰隨汝所願今正是
時時地主大王歡喜踊躍不能自勝即從座

起頭面禮足便退而去還至官中到已告諸
群臣我今意欲盡其形壽供養燈光如來至
真等正覺及比丘衆衣被飲食牀卧具病瘦
醫藥汝等亦當勸發佐吾供辦諸臣對曰如
大王教去城不遠一由旬內造立堂舍彫文
刻鏤五色玄黃懸繒幡蓋作倡伎樂香汁灑
地修治浴池辦具燈明及甘饌飲食施設坐
具便白時到今正是時願尊屈顧時燈光如
來已知時至著衣持鉢將比丘衆前後圍繞
便往至講堂所各各就座而坐時地主大王見
佛比丘僧坐訖將宮人姝女及諸大臣手自
斟酌行種種飲食味各百種大王當知尔時

地主國王七萬歲中供養燈光如來及八十
億衆諸阿羅漢未曾懈廢時彼如來教化周
訖便於無餘涅槃界而般涅槃時地主大王
若干百種香華供養於四衢道路起四廟寺
各用七寶金銀琉璃水精懸繒幡蓋及八十
億衆各各以漸於無餘涅槃界而般涅槃
時大王取八十億衆收其舍利各各興起神寺
皆懸繒幡蓋香華供養大王當知尔時地主
大王復供養燈光如來寺及八十億羅漢寺
復經七萬歲隨時供養然燈散華懸繒幡蓋
大王當知燈光如來遺法滅盡然後彼方取
滅度尔時地主大王者豈是異人乎莫作是

觀所以然者。爾時地主大王者。即我身是我。於爾時七萬歲中。以衣被飲食牀卧具病瘦醫藥供養彼佛。令不減少。般涅槃後復於七萬歲中。供養形像舍利。然燈燒香懸繒幡蓋。無所渴乏。我於爾時以此功德。求在生死獲此福祐。不求解脫。大王當知。爾時所有福德。今有遺餘耶。莫作是觀。如我今日觀彼福祐。無有毫釐如毛髮許。所以然者。生死長遠不可稱記於中。悉食福盡。無有毫釐許在。是故大王。莫作是說。言我所作福祐。今日已辦。大王當作是說。我今身口意所作眾行。盡求解脫。不求在生死食其福業。便於長夜安隱。無量。尔

時王波斯匿便懷恐懼衣毛皆豎悲泣交
以手拭淚頭面禮世尊足自陳過狀如愚如
騃無所覺知唯願世尊受我悔過今五體投
地改已往之失更不造此言教唯願世尊受
我悔過如是再三世尊告曰善哉善哉大王
今於如來前悔其非法改往修來我今受汝
悔過更莫復造爾時於大眾中有一比丘尼
名迦梅延即從座起頭面禮足白世尊曰今
世尊所說甚為微妙又世尊告波斯匿作是
語大王當知身口意所作衆行盡求解脫莫
求在生死食其福業便於長夜獲安隱無量
所以然者我自憶三千劫有式誥如來至真

正覺出現於世明行成爲善逝世間解
士道法御天人師号佛衆祐遊在野馬世界
尔時彼佛到時著衣持鉢入野馬城乞食是
時城內有一使人名曰純黑時彼使人見如
來執鉢入城乞食見已便作是念今如來入
城必須飲食即入家出食施與如來興發此
願持此功德莫墮三惡趣中使我當來之世
亦當值如此聖尊亦當使彼聖尊爲我說法
時得解脫世尊并波斯匿王咸共知之當尔
時純黑使人者豈異人乎莫作是觀所以然
者尔時純黑使人者即我身是我於尔時飯
式誥如來作此誓願使當來之世值如此聖

尊與我說法時得解脫我於三十一劫不墮
三惡趣中生天人中最後今日受此身分遭
值世尊得出家學道盡諸有漏成阿羅漢若世
尊所說極爲微妙語波斯匿王身口意所作
衆行盡求解脫莫在生死食此福業我若見
比丘比丘尼優婆塞優婆夷歡喜心意向如
來者我便生此念此諸賢士用意猶不愛敬
供奉如來設我見四部之衆即往告曰汝等
諸賢爲須何物衣鉢耶尼師壇耶針筒耶法
澡灌耶及餘沙門什物我盡當供給我許已
盡便在在處處乞求若我得者是其大幸若
使不得便往至鬱單越瞿耶尼弗于逮求索

來與所以然者皆由此四部之衆得涅槃道
尔時世尊觀察迦旃延比丘尼心便告諸比
丘汝等頗見如此之比丘信心解脫如迦旃延
比丘尼乎諸比丘對曰不見也世尊世尊告
曰我聲聞中第一比丘尼得信解脫者所謂
迦旃延比丘尼是也尔時迦旃延比丘尼及
波斯匿王四部之衆聞佛所說歡喜奉行
聞如是一時佛在羅閱城耆闍崛山中與大
比丘衆五百人俱尔時尊者婆拘盧在一山
曲補納故衣是時釋提桓因遙見尊者婆拘
盧在一山曲補納故衣見已便作是念此尊
者婆拘盧已成阿羅漢諸縛已解長壽無量

恒自降伏思惟非常苦空非身不著世事亦
復不與他人說法寂默自修如外道異學不
審此尊能與他說法為不堪任乎我今當與
試之。尔時天帝釋便從三十三天沒不現來
至耆闍崛山在尊者婆拘盧前任頭面礼足
在一面立。尔時釋提桓因便說此偈。
智者所歎說 何故不說法 壞結成聖行
何為寂默任

尔時尊者婆拘盧復以此偈報釋提桓因曰
有佛舍利弗 阿難均頭葉 亦及諸尊長
吾能說妙法

尔時釋提桓因白尊者婆拘盧曰。衆生之根

有若干種然尊當知世尊亦談衆生種類多
於地土何故尊者婆拘盧不與他人說法婆
拘盧報曰衆生之類難可覺知世界若干國
土不同皆著我所非我所我今觀察此義已
故不與人說法釋提桓因曰願尊與我說我
所非我所之義尊者婆拘盧曰我人壽命若
男若女士夫之類盡依此命而得存在然復
拘翼世尊亦說比丘當知當自然熾無起邪
法亦當賢聖默然我觀此義已故默然耳是
時釋提桓因遙向世尊叉手便說此偈
歸命十力尊 圓光無塵翳 普爲一切人
此者甚奇特

尊者婆拘盧報曰何故帝釋而作是說此者甚竒特釋提桓因報言自念我昔至世尊所到已禮世尊足而問此義天人之類有何想念尔時世尊告我曰此世界若干種各各殊異根原不同我聞此語已尋對曰如是世尊如世尊所說世界若干種各各不同設與彼衆生說法咸共受持有成果者我以此故說此者甚竒特然尊者婆拘盧所說亦復如是世界若干種各各不同是時釋提桓因便作是念此尊堪任與人說法非爲不能是時釋提桓因即從座起而去尔時釋提桓因聞尊者婆拘盧所說歡喜奉行

聞如是一時佛在占波國雷聲池側是時尊者二十億耳在一靜處自修法本不捨頭陀十一法行晝夜經行不離三十七道品之教若坐若行常修正法初夜中夜竟夜恒自剋厲不捨斯頃然復不能於欲漏法心得解脫是時尊者二十億耳所經行處脚壞血流盈滿路側猶如屠牛之處烏鵲食血然復不能於欲漏心得解脫是時尊者二十億耳便作是念釋迦文佛苦行精進弟子中我為第一然我今日漏心不得解脫又我家業多財饒寶宜可捨服還作白衣持財物廣惠施然今作沙門甚難不易尔時世尊遙知二十億耳心

之所念便騰逝虛空至彼經行處敷坐具而坐是時尊者二十億耳前至佛所頭面禮足在一面坐。爾時世尊問二十億耳曰：汝向何故作是念釋迦文佛精進苦行弟子中我爲第一。然我今日漏心不得解脫。又我家業饒財多寶，宜可捨服，還作白衣，持財物廣惠施。然今作沙門，甚難不易。二十億耳對曰：如是。世尊。世尊告曰：我今還問汝。隨汝報我云何。二十億耳曰：本在家時善彈琴乎。二十億耳對曰：如是。世尊。我本在家時善能彈琴。世尊告曰：云何二十億耳。若琴弦極急響音不齊，等。余時琴音可聽，採不二十億耳對曰：不也。世

尊世尊告曰云何二十億耳若琴弦復緩尔
時琴音可聽採不二十億耳對曰不也世尊
世尊告曰云何二十億耳若琴弦不急不緩
尔時琴音可聽採不二十億耳對曰如是世
尊若琴絃不急不緩尔時琴音便可聽採世
尊告曰此亦如是極精進者猶如調戲若懈
怠者此墮邪見若能在中者此則上行如是
不久當成無漏人尔時世尊與二十億耳說
微妙法已還在雷音池側尔時尊者二十億
耳思惟世尊教勅不捨須臾在閑靜處修行
其法所以族姓子出家學道剃除鬚髮修無
上梵行生死已盡梵行已立所作已辦更不

復受有如實知之尊者二十億耳便成阿羅漢
尔時世尊告諸比丘我聲聞中第一弟子精
勤苦行所謂二十億耳比丘是尔時諸比丘
聞佛所說歡喜奉行

聞如是一時佛在舍衛國祇樹給孤獨園尔
時舍衛城中婆提長者遇病命終然彼長者
無有子息所有財寶盡没入官尔時王波斯
匿塵土全身來至世尊所頭面礼足在一面
坐是時世尊問王曰大王何故塵土全身來
至我所波斯匿王曰世尊曰此舍衛城內有
長者名婆提今日命終彼無子息躬往收攝
財寶理使入官純金八萬斤况復餘雜物乎

然彼長者存在之日食如此之良極爲愍惡
不食精細所著衣服垢坳不淨所乘車騎極
爲瘦弱世尊告曰如是大王如王來言夫慳
貪之人得此財貨不能食敢不與父母妻子
僕從奴婢亦復不與朋友知識亦復不與沙
門婆羅門諸尊長者若有智之士得此財寶
便能惠施廣濟一切無所愛惜供給沙門婆
羅門諸高德者時王波斯匿說曰此婆提長
者命終爲生何處世尊告曰此婆提長者命
終生涕哭大地獄中所以然者此斷善根之人
身壞命終生涕哭地獄中波斯匿王曰婆提
長者斷善根耶世尊告曰如是八王知王所

說彼長者斷於善根然彼長者故福

不造新王波斯匿曰彼長者頗有遺餘福乎世
尊告曰無也大王乃無毫釐之餘存在者如
彼田家公但收不種後更窮因漸以命終所
以然者但食故業更不造新此長者亦復如
是但食故福更不造新福此長者今夜當在淨
哭地獄中尔時波斯匿王便懷恐怖投淚而
曰此長者昔日作何功德福業生在富家後
作何不善根本不得食此極富之貨不樂五
樂之中尔時世尊告波斯匿王曰過去久遠
迦葉佛時此長者在舍衛城中為田家子
尔時佛去世後有辟支佛出世往詣此

說彼長者斷於善根然彼長者故福

不造新王波斯匿曰彼長者頗有遺餘福乎世
尊告曰無也大王乃無毫釐之餘存在者如
彼田家公但收不種後更窮因漸以命終所
以然者但食故業更不造新此長者亦復如
是但食故福更不造新福此長者今夜當在淨

哭地獄中尔時波斯匿王便懷恐怖投淚而
曰此長者昔日作何功德福業生在富家後
作何不善根本不得食此極富之貨不樂五
樂之中尔時世尊告波斯匿王曰過去久遠
迦葉佛時此長者在舍衛城中為田家子
尔時佛去世後有辟支佛出世往詣此

家尔時此長者見臨支提在門外立身口
生是念如此尊者出世甚難我今可以飲食
往施此人尔時長者便施彼碎支佛碎支佛
得食已便飛在虛空而去時彼長者見碎支
佛作神足作是誓願持此善本之願使我世
世所生之處不墮三惡趣常多財饒寶後有
悔心我向所有食應與奴僕不與此秃頭道人
使食尔時田家公長者豈異人乎莫作是觀
所以然者尔時田家長者今婆提長者是是
時施已發此誓願持此功德所生之處不墮
惡趣恒多財饒寶生富貴之家無所渴乏既
復施已後生悔心我寧與奴僕使食不與此秃

家尔時此長者見臨支提在門外立身尸
生是念如此尊者出世甚難我今可以飭食
往施此人尔時長者便施彼辟支佛辟支佛
得食已便飛在虛空而去時彼長者見辟支
佛作神足作是誓願持此善本之願使我世
世所生之處不墮三惡趣常多財饒寶後有
悔心我向所有食應與奴僕不與此秃頭道人
使食尔時田家公長者豈異人乎莫作是觀
所以然者尔時田家長者今婆提長者是是
時施已發此誓願持此功德所生之處不墮
惡趣恒多財饒寶生富貴之家無所渴乏既
復施已後生悔心我寧與奴僕使食不與此秃

頭道人使食以此因緣本亦不得食此極
之貨亦復不樂五樂之中不自供養復不與
父母兄弟妻子僕從朋友知識不施沙門婆
羅門諸尊長者但食故業不造新者是故大
王若有智之士得此財貨當廣布施莫有所
惜復當得此無極之財如是大王當作是學
尔時波斯匿王白世尊曰自今已後當廣布
施不限沙門婆羅門四部之衆諸外道異學
來乞求者我不堪與世尊告曰大王莫作是
念所以然者一切衆生皆由食得存無食便
喪尔時世尊便說此偈
念當廣惠施 終莫斷施心 必當值聖衆
度此生死原

斯增壹阿含經卷十三 十三

尔時波斯匿王白世尊曰我今倍歡慶向如

度此生死原

尔時波斯匿王白世尊曰我今倍歡慶向如
來所所以然者一切衆生皆由食得存無食
不存尔時王波斯匿曰自今已後當廣惠施
無所憊惜是時世尊與王說微妙之法時王
即從座起頭面礼足便退而去尔時王波斯
匿聞佛所說歡喜奉行

聞如是一時佛在舍衛國祇樹給孤獨園尔
時尊者阿難在閑靜處便生此念世間頗有
此香亦逆風香亦順風香亦逆風順風香乎
尔時尊者阿難便從座起往詣世尊所頭面
礼足在一面坐尔時尊者阿難白世尊曰我

於閑靜之處便生此念世間頗有此香亦逆
風香亦順風香亦逆風順風香乎余時世尊
告阿難曰有此妙香亦逆風香亦順風香亦
逆風順風香是時阿難白世尊曰此何者香
亦逆風香亦順風香亦逆風順風香世尊告
曰有此之香然此香氣力亦逆風香亦順風
香亦逆風順風香阿難白佛言此何等香亦逆
風香亦順風香亦逆風順風香世尊告曰此
三種香亦逆風香亦順風香亦逆風順風香
阿難言何等為三世尊告曰戒香聞香施香
是謂阿難有此香種然復此逆風香亦順風
香亦逆風順風香諸世間所有之香此三種

香最勝最上無與等者無能及者猶如由牛
有酪由酪有酥由酥有醍醐然此醍醐最勝
最上無與等者亦不能及此亦如是諸所有
世間諸香此三種香最勝最上無能及者亦
時世尊便說此偈

木蜜及栴檀

優鉢及諸香

此諸種種香

戒香最為勝

此戒以成就

無欲無所染

等智而解脫

逝處魔不知

此香雖為妙

及諸檀蜜香

戒香之為妙

十方悉聞之

栴檀雖有香

優鉢及餘香

此諸眾香中

聞香最第一

栴檀雖有香

優鉢及餘香

此諸眾香中

施香最第一

最謂此三種香亦逆風香亦順風香亦逆風
順風香是故阿難當求方便成此三香如是
阿難當作是學。爾時阿難聞佛所說歡喜奉行
聞如是一時佛在羅閱城迦蘭陁竹園所與
大比丘衆五百人俱。爾時世尊到時著衣持
鉢入羅閱城乞食。爾時提婆達兜亦入城乞

食。是時提婆達兜所入巷中佛亦往。至彼然
遙見提婆達兜來便欲退而去。是時阿難白
世尊曰：何故欲遠此巷？世尊告曰：提婆達兜
今在此巷，是以避之。阿難白佛言：世尊豈畏
提婆達兜乎？世尊告曰：我不畏提婆達兜也。
但此惡人不應與相見。阿難曰：然。世尊可使
此提婆達兜乃可使在他方。爾時世尊便說

此提婆達兜乃可使在他方。今時世尊便說

此偈

我終無此心 使彼在他方 彼自當造行

便自在他所

阿難白世尊曰然提婆達兜過於如來所世

尊告曰愚惑之人不應與相見是時世尊向

阿難而說此偈

不應見愚人 莫與愚從事 亦莫與言論

說於是非事

是時阿難復以此偈報世尊曰

愚者何所能 愚者有何過 正使共言論

竟有何等失

尔時世尊復以此偈報阿難曰

愚者自造行 所作者非法 正見返常律

邪見日以滋

是故阿難莫與惡知識從事所以然者與愚人從事無信無戒無聞無智與善知識從事便增益諸功德戒具成就如是阿難當作是學尔時阿難聞佛所說歡喜奉行

聞如是一時佛在羅閱城迦蘭陀竹園所與五百人俱尔時王阿闍世恒以五百金食給與提婆達兜彼時提婆達兜名聞四遠戒德具足名稱悉備乃能使王日來供養是時提婆達兜得此利養已諸比丘聞之白世尊曰國中

人民歎說提婆達兜名稱遠布乃使王阿闍
世恒來供養尔時世尊告諸比丘汝等比丘
莫抱此心貪提婆達兜利養所以然者提婆
達兜愚人造此三事身口意行終無敬懼亦
不恐怖如今提婆達兜愚人當消盡此諸善
功德猶如取惡狗鼻壞之倍復凶惡提婆達
兜愚人亦復如是受此利養遂起貢高是故
諸比丘亦莫興意著於利養設有比丘著於
利養而不獲三法云何爲三法謂賢聖戒賢
聖三昧賢聖智慧而不成就若有比丘不著
利養便獲三法云何爲三所謂賢聖戒賢聖
三昧賢聖智慧若欲成此三法當發善心不

著利養如是諸比丘當作是學。爾時諸比丘聞佛所說歡喜奉行。

聞如是。一時佛在舍衛國祇樹給孤獨園。爾時世尊告諸比丘。有此三不善根。云何為三。貪不善根。恚不善根。癡不善根。若比丘有此三不善根者。便墮三惡趣。云何為三所謂地獄、餓鬼、畜生。如是比丘。若有此三不善根者。便有三惡趣。比丘當知。有此三善根。云何為三。不貪善根。不恚善根。不癡善根。是謂比丘。有此三善根者。便有二善處。涅槃為三。云何為二。趣所謂人天。是也。謂比丘。有此三善者。則生此善處。是故諸比丘。當離三不善根。修

三善根如是諸比丘當作是學。爾時諸比丘聞佛所說歡喜奉行。

聞如是一時佛在舍衛國祇樹給孤獨園。爾時世尊告諸比丘。有此三聚。云何為三。所謂等聚。邪聚。不定聚。彼云何名為等聚。所謂等見。等治。等語。等業。等命。等方便。等念。等定。是

謂等聚。彼云何名為邪聚。所謂邪見。邪治。邪語。邪業。邪命。邪方便。邪念。邪定。是謂邪聚。彼云何名為不定聚。所謂不知苦。不知習。不知盡。不知道。不知等聚。不知邪聚。是謂名為不定聚。諸比丘。當知復有三聚。云何為三。所謂善聚。等聚。定聚。彼云何為善聚。所謂三善根。

阿含經卷第十六

何等三善根。所謂不貪。善根。不恚。善根。不癡。善根。是謂善聚。云何名為等聚。所謂賢聖八

何等三善根所謂不貪善根不恚善根不癡
善根是謂善聚云何名為等聚所謂賢聖八
品道等見等治等語等業等命等方便等念
等三昧是謂等聚彼云何名為定聚所謂知
苦知習知盡知道知善聚知惡聚知定聚是
謂名為定聚是故諸比丘此三聚中邪聚不
定聚當遠離之此正聚者當共奉行如是諸
比丘當作是學今時諸比丘聞佛所說歡喜
奉行

聞如是一時佛在舍衛國祇樹給孤獨園
時世尊告諸比丘有此三觀想云何為三所
謂觀欲想瞋恚想殺害想是謂比丘有此三

想比丘當知若有人觀欲想命終時便墮地獄中若觀瞋恚想命終時生畜生中所謂雞狗之屬地虺之類而生其中若觀害想而命終者生餓鬼中形體燒然苦痛難陳是謂比丘有此三想生地獄中餓鬼畜生復有三想云何爲三所謂出要想不害想不恚想若有人有出要想者命終之時生此人中若有不害想者命終時生自然天上若有人不殺心者命終時斷下五結便於彼處而般涅槃是謂比丘有此三想常念修行此三惡想當遠離之如是諸比丘當作是學尔時諸比丘聞佛所說歡喜奉行

地主婆拍耳
婆提逆順香
一不善
三聚觀在後

增壹阿含經卷第十三

十七

斯

斯匿力下反尼 徒履絳上反所 退退一同懷妊禁下反而 見廣胡

又勇悍汗下音耐剛同靡伏彼又剔除反上他作

駒耳饜戀下反味斟酌針上音毫斃下反力 拔淚上反武

駮反語解式詰一下反起 澡二罐早貫字音塵翳下反一 勵

音例琴絃上集今反非 坐蒲悶慙惡上并涕哭上

體禿頂上他空音地魁下反許

